

P366/2
LUGANDA
(OKUCUUSA, OKUYIYA,
OKWEKEENEENIA
N'OKUFUNZA)

Paper 2
Nabirime 2024
Essaawa 3



ENTEBBE JOINT EXAMINATION BUREAU

Uganda Advanced Certificate of Education

LUSOGA

OLUPAPULO OLWOKUBIRI

(OKUCUUSA, OKUYIYA, OKWEKEENEENIA N'OKUFUNZA)

Essaawa Isatu

ENDAGIRIRO:

Olupapulo luno lulimu ebitundu bina: A, B, C ni D.

Ebitundu A, C ni D bya buwaze.

Mu Kitundu B, iramu nga bwolagiriirwa.

EKITUNDU A

*Ekitundu kino kiri mu ebibuuzo **bibiri**. Iramu byombiriri.*

1. (a) Cuusa ekitundu kino okitoole mu Luzungu okiize mu Lusoga.
(*Obubonero15*)

UGANDA'S EFFORTS TO CONSERVE THE ENVIRONMENT

Ugandans and the entire world have been urged to conserve the environment. This was Echoed by the executive director of NEMA Dr. Samson Kananura while celebrating the World environmental day at Kampala Serena Hotel.

He stressed that global warming and climatic change has become a major challenge among African, American and European countries. This phenomenon has been attributed to inhuman degrading activities such as bush clearing and burning, swamp reclamation, charcoal burning, deforestation and human settlement. He said that many of those who destroy the environment have forgotten that what affects the environment equally affects our wellbeing. Much of what is on this planet; including water, plant and animal resources are naturally endowed and it's our God-given mandate to preserve and conserve it.

He noted that the current trend of seasonal variation in Agricultural sector has been a result of failure to protect the environment. Many countries around the world have come up and enacted environmental Acts, put up bodies and agencies to fight against degradation but very little has been archived. In Uganda, NEMA has been empowered and entrusted with this task of protecting the environment. However, it has only managed to reduce this act of degrading the environment by 4% (from 13-9%) in the last four years.

Indeed this is a global challenge! It is worse in countries of Europe, South America and Asia where earthquake, wildfire, high temperatures have been severely witnessed and many have lost their lives. For that matter, if Ugandans and the world over do not adjust their lifestyle and do away with traditional means of survival, this challenge will remain a nightmare to eradicate.

- (b) Cuusa ekitundu kino okuva mu Lusoga okiize mu Luzungu. (*Obubonero15*)

OKULAMAGA E NAMUGONGO

Mu mwaka gwa lukumi na lunaana kinaana na mukaaga, ghaaligho okwoca Abakulisitaayo abakukuutivu abadeema okusuulawo eidiini ery'ekikurisitaayo. Mibano n'omwali abakatulici n'Abapolositanti. Namugongo nga eriina bweriwulikikana n'ekifo kyebaabooceramu. Abantu bano baatambuzibwa ku migongo gyaibwe oti bwato okubatwala ku kyokero. Abakulisitaayo bano abandi kubo tibatategerekeka maina gaibwe. Abasinga okumanhika einho n'omwali Balikuddembe, Bazzekketta, Buuzaabaliawo, Kizito

Omuto (owemyaka eikumi n'ena). Omutemo era nga n'omwoci Lukulwe eyatumwa kabaka Mwanga yali ayetebwa Mukajjanga.

N'olwekyo, kiisi mwaka nga isatu ogwa Namwendwa baidhukirwa olwokwikiriza kwaibwe okutawunikamu muntu wundi yeena yeena ghano mu Uganda. Abantu okuva ensi yeeva okutuukayeekangabeekondhaokwidhaokusaba. Abalamazi batambuza bigere okuva eghaibwe okutuuka e Namugongo kalube lugendo lwagagha. Ebyamatano byeyongeremu amaani mu kitundu ekyo era abantu bakola empiaa empyaka n'enkaire obwire okuca okutuusa abalamazi lwe bagolola.

Abalamazi balya akasolo g'eighanga, baanhwa baasambisa bigere. Baidha n'obudomola bwebatwaliramu amaadhi ag'omukisa okuva mu kayandha akali e Namugongo. Abaana banji batuuka okubulira eyo olweikuukuubira ery'abantu. Omukolo guno buti gwafuuka mukulu inho munsu yaife nensi yoonayoona okutwaliza aghalala.

Olunaku luno teba kukola, abasomi tibasoma. Ku luno omukolo guno okumanha gwali gwamaani, gwalekanga buli muntu aneenia bwa mutwe okulaga obusiimu bwaibwe. Twebaza abategesi tuti kabiri kyongerero.

EKITUNDU B OKUYIIYA

*Ekitundu kino kirimu ebibuuzo byangeri **ibiri**; 2. (a) ni 2. (b).*

*Kolaku **kirala** kyonka okuvamu **2(a)** oba **2(b)***

2. (a) Mu kitundu kino londaku omutwe mulala ogughandiikeku emboozi ya bigambo 450 – 500. *(Obubonero 30)*
- (i) Ebiri okutumbula olulimi n'obughangwa bw'Abasoga.
 - (ii) Encuukacuuka munsengeka y'ebyensoma mu Uganda n'eghanga okumalawo eibula mirimo. Ghagira oba okughakania ebigambo bino.
 - (iii)agho nalayira obutesiganga ekisolo kyebeeta omuntu.
 - (iv) Ghandiika emboozi nga weesigama ku ndhogera, "Akusigula takukwa".

Oba

- (b) Ku mitwe egikugheereibwa, londaku **ebiri** ogighandiikeku nga bwolagiriirwa. *(Obubonero 30)*
- (i) Olondeibwa ekikaakyo okuba omughandiisi wakyo ow'ekiseera. Ghandiika ebibairegho mulwekobaano. *(Kozesa ebigambo 180 – 200)*
 - (ii) Abaisuka ab'okukyalo kyeghaimwe beetaniire inho okukozesa ebiragala ebitamiiza n'omwenge. Ghandiika byoteeseteese okwogera yebali nga ighe omukulembeze w'abaisuka. *(Kozesa ebigambo 150 – 200)*

- (iii) Olukalala lwomukibiina kyaimwe lwoleka nga niiwe ateekeirwa okweya. Kyoka otuuse kikerezi ghaayagaana nga n'omusomesa ainjiire mu kibiina ekicaafu. Ghandiika ekighandiiko ekyetonda eri omusomesaawo. (*Kozesa ebigambo 150 – 200*)
- (iv) Omaliriiza siiniya eyomukaaga era oli kunoonia mulimo. Ghandiika ekighandiiko ekikugemaku ekinaajiira kwekyo ekisaba omulimo osobole okugweghangulira. (*Kozesa ebigambo 80 – 150*)

EKITUNDU C OKWEKEENEENIA

3. Soma ekitundu kino ghaifo omale oiremu ebibuuzo ebiiririra.

Munsi muno abantu banoonia emirimo mu mbeera ey'obukaluubirivu aye tikiba kyangu okugukuuma (kyangu okugufiirwa). Abasinga bunji, okufuna omulimo bamala kugufuula mulimo. Aye ekywuninkiriza oluba okugufuna bati nga batandiika kugudibaga. Beerabira nga eriyo banji abali kunoonia ogwo gwene gwebali nagwo. Ghano mu Uganda omulimo gwafuuka akalimo era banji bagufuna oluvainhuma olwokugulirira. Abagaba emirimo baima ali n'ebisaanizo ebituufu baagha azira olwokuba ali n'ekufuntannindo kyabaguunie.

Dokita Mukungu yali yasoma gwa kulongoosa bantu era nga buli muntu amwenhumirizaamu. Yagheebwa obuvunaanizibwa obwokukulira eirwaliro eBudhaatemwa Health centre III, olukuba omumanhirivu kwotaire n'obukugubwe. Mu kusooka nga yaakainhama emirimo yakolanga Bukalamu n'obwesimbu era ng'atuukira mu bwire abalwaire bwe bamwetaagiramu. Yatutumula Eirwaliro era gavumenti yaalwa yaalitwala kwidaala erya Health centre IV. Yali n'enkolagana Enkalamu ni basawo baine mwirwaliro eryo. Aye ng'Omusoga bwakoba ati empisa mugugu, buli Ghooja dhikunonereza, olwafuna empiiya eninji yamala yacuuka yaatoolera okwolesa langiye entuufu eyobuzaale.

Dokita Mukungu yatuuka ekiseera nga aidha kikeerezi ku mulimo era nga oluba okusimba motoka ye nainjira mwirwaliro awunayo buwunhe ng'agolola. Baja okubuuza basawo baine nga tibaidhi amabitirege. Yali n'akalwaliro keyatandiikawo mu katawuni ak'eBudhaatemwa era nga ebiseera yaabimalira ebisinga bunji. Nga eidhagala gavumenti lyegheereza naasinga kutwala erisinga bunji. Abalwaire olwidha, abalagira bagule lyebanaabaidhandhabisa. Embeera yeirwaliro yayonooneka era nga ezira kirungi ky'osobola kulyegombaku. Abantu b'ekyalo bainhama okwemuluguunhia bwebeekubirira enduulu mu yaafeesi edhaaghaigulu.

Enaku edh'omwibi dhaba ana, lulala bakamaabe ab'ekitongole ky'ebyobulamu baidha baazindukiriza eirwaliro nga tibamutegeeziizaaku. Baja okumwagaaniriza ng'ali kufulumamu nga buliidho akukuse obulezi bwa gavumenti. Gaamumyuka oti

bwegamyuka omutezi n'akasolo. Yainhama okutengeeta ensaya oti alwaire musuudha. Olwavaagho baamulagira abatwale yaateranga okulitwala era atyo yaakulemberamu okubatwala. Olwaba okutuuka ati ku kalwaliroke yaagwamu ekidumusi yaalumukira mu mugwano. Boona baamutereeraku era tibaava ku mulyango gwa mugwano. Yaba omwo nga tayenda na kufulumaamu aye baamukuuma okutuuka bweyakoogha yaakukunhukayo. Yaja okuvaamu ng'ali kufumbaalika oti mugwano.

Baamuvuunia wuuyo wuuyo baamwigalira mu kaduukulu ka puliisi. Baamutwalanga Kukabbangali ng'abantu bamukuba olwayo buli ghebaabita. Okwikaikana ng'omulimo gumufiire. Kinaidhukira nga gavumenti yali yabisa eiteeka eti omuntu anaagemwanga mu kikolwa eky'okulya enguzi n'okwiba ebintu byayo ghaakusibwa emyaka musanvu n'ebintu bye ebyeirize, okuligha engaisi ya bukaire abiri edha buligho. Kyoka Dokita Mukungu tiyalina mpiiya nkalu era atyo yaatwalibwa mu nkobera abali eka eyo mu buswavu. Neebuuza lwaki abantu beemalamu batyo? Okukola eriina kyangu aye okulikuuma n'okuliizaagho nga lyonooneike kizibu oti kulya kwanco.

Ebibuuzo:

- (a) Ghaomutweogutuukaaniran'olufumoluno. (Obubonero 02)
 - (b) Ki ekyatuuka ku dokita Mukungu atuuke okwegisa mu mugwano. Inhonhola. (Obubonero 03)
 - (c) Bweghandibaire dokita Mukungu n'oyagaanibwa ghandikoze otya? (Obubonero 03)
 - (d) Ki ekisaine okukolebwa ab'obuyinza okumalawo emize emicaamu mu bakozi? (Obubonero 04)
 - (e) Olufumo luno lukwegeresaa ki mu bulamu bwo? (Obubonero 03)
 - (f) Obisibwa otya ku dokita Mukungu? Inhonhola. (Obubonero 02)
 - (g) Inhonhola ebibono bino kyebitegeeza okusinziira bwebikozeseibwa mu lufumo. (Obubonero 03)
- (i) Mugwano
 - (ii) Gaamumyuka
 - (ii) okufuna omulimo baagufuula mulimo

EKITUNDU:D OKUFUNZA

4. Soma ekitundu kino ghaifo omale okifunze mu bigambon ga 80.

(Obubonero 20)

UGANDA ENSULO Y'OBUKOMBE

Buli nsi eba n'ebigifuula engaiga era ebigyemerezaawo ghaire teghanga kwaga na dhindi. Okusinziira kunteekateeka ya kibumba ezira nsi yeyakola ng'ezira bigighanirira mu by'enfuna byayo. Oyagaana ere nga ekyobukombe kyayo mafuta na irala amaghanga ag'Abawalabbu. Ate edhindi nga byabulimi n'ekidhifiire enkombe kobanga Canada, Netherlands n'edhindi.

Uganda kabiri yo yaswika kuba ebyobukombe ebigigemerera binji oti bugulu bwa Igongolo kyova eyetebwa amaina nga Eikula ly'Afirika, Uganda zaabbu mmenheki ndeke ki? Ebyobutonde nga ebibali tibyogerekekaku kuba buli kirime kighanga okumera era kyakuliramu.

Embeera y'obwire yaayo tiyeghalikiriza inho munansi nga ensi edhindi. Kizibu inho amaadhi okugwa ekiseera ekinene ng'ezira kubona kundhuba nga bwetubona mu nsi edh'Abazungu ati winta, ati sama. Dhino dhiba kutwegombesa busa!

Ebibira kumpi buli kiketezo oghanga okubyagaanamu. Ate ebiwula bunji byamera byene. Kyova mu Busoga tuli n'endhogera ekoba eti "gyamera gyene." Bino bireetera amaadhi okutoonha, ebibala byabala kyodo! Era omuntu mu Busoga talobera muntu kuniina muti kughanula muyembe. Tukyebaliza katonda kino. Okwongerezaaku, ebisolo ebya buli kika biri munsu yaife; ebyokulukalu ne byomumaadhi. Ghano tuli ni maaya, ekinoni ekiwulabuwavu. Kino ne bindi bisombola abalambuuzi okuva buli nsonda okubyeroleraku. Muno Uganda eyoolamu butitimbe bwampiiya.

Ebiseera bino amafuta gaazuulibwa eBunholo buti goona gaja kwongera kunfuna ya Uganda. Era bwetugayiikuula obukalamu, Uganda yandisenvula yaatuuka kwidaala ery'ensi dhire edhakulakulana.

Okuva eira neira golodi, kopa,siriva byali mu Uganda aye nga ife beene titwidhi. Ekitundu nga ekye Bukolamoodho kyaidhula bya bukombe. Ate bino todaaga nakunoonia katale kaabyo kuba buli nsi ebyetaaga.

Kyentaghanga kwerabira n'obulomi n'obulunzi. Emwanhi, pamba,d uuma, mbooli, mwogo, matooke ebyo okuva eira ng'empiiya mwedhiwula kuva. Emere yetulya titudaaga. Ghano omuntu bwayenda amata n'emamba alya yeinhula. Enhandha n'emiiga, byona nsulo ya bukombe. Amaadhi getunhwa n'okunaaba, ebyenhandha biva muno. Ebiyiriro bireeta abalambuuzi kamaala okweyoleraku. Amasaanhalaze gavuudhumuka muno twayasa n'okughaaku ensi edhindi. N'olwekyo Uganda nsi nkombe okuwula edhindi. Ekikulu kya kukuuma bya bukombe byayo abagwira balobe kubitunagaku tuviiremu agho.

Ekibuuzo:

Funza ng'olaga ebifuula Uganda ensi ey'obukombe.